

Agintepide hori egiteratuz, Eusko Legebiltzarrak, maiatzaren 20ko 6/82 Legean ezarri zuenez, herri-agintaritzek, arautuko diren baldintzen arauera, urte asko izan, edo ezintasunagatik lanerako gai ez diren eta bizitzaren oinarritzko beharrei aurre egiteko beste diru-sarrerarik ez duten norbanakoentzat, aldi baterako dirulaguntzak eman ahal izango dituzte, gizarte-zerbitzuen osagarri.

Gizarte-Zerbitzuei buruzko Legeak berak, aipameneko dirulaguntzak emate eta bideratzea Foru-Erakundeen agintepidea izango dela ezartzen du; horregatik, esandako Lege hori eta Autonomia-Erkidegoko Bateango Erakundeen eta bere Lurralde Historikoetako Foru-Erakundeen arteko Harremanei buruzko 27/83 Legea betez, martxoaren 5eko 33/85 eta 52/85 Dekretoen bidez zerbitzuen eskualdaketak egin ziren eta, berariaz, Gizarte-Ongizaterako Dirubaltzaren pentzutan atso-agure eta ezinduentzako bizisariak ematea eta kudeatzea.

Orain arte, araubide erabilgarri bakarra uztailaren 24ko 2620/81 Errege-Dekretua izan da, eta, bertan, xehetasun batzuk zehaztu gabe gelditu ziren.

Dekretu honen bidez, zehaztu gabeko xehetasun horiek gehiago zehaztu eta hiru Lurralde Historikoetarako ulertze-erizpideak finkatzen dira.

Bestalde, 2620/81 Errege-Dekretuan aipatzen diren arduralaritzak lhardutze-Sailak, jakina denez, eskualdaketen ondorioz aldatu dira.

Hori horrela, Lan, Osasunketa eta Gizarte Segurantza Sailburuaren saloz, eta Jaurlaritzak mila bederatzirehun eta laurogeita seigarreneko maiatzaren 26an egindako bilkuran aztertu eta onartu ondoren, honako hau

ERABAKITZEN DUT:

Lehenengo atala.- Urte asko izan edo ezintasunagatik lanerako gai ez diren eta bizitzaren oinarritzko beharrei aurre egiteko beste diru-sarrerarik ez duten norbanakoei, gizarte-zerbitzuen osagarri eta aldian aldiangoak diren dirulaguntzak ematea, Dekretu honen atalen bidez araupetzen da.

Bigarren atala.- Gizarte Ongizaterako Dirubaltzaren aldian aldiango dirulaguntza horien hartzekodun izateko, ondorengo baldintza hauek betetzea behar beharrezkoa gertatzen da:

a) Euskal Autonomia Erkidegoaren Lurraldeko edozein udaletako biztanle-erroldean sartuta egotea, Autonomia Erkidego honetan bizitzeko baimena duten beste herri bateko naziotasuna duten atzerritarrak, iheslariak eta aberri gabekoak sartuz, Espainiako Estatuak berretsitako Nazioarteko Itun edo Hitzarmenen arauera.

b) Euren edo Dekretu honen 3. eta 4. atalen arauera, beren elikaduraren erantzukizundun diren senideek, bizitzaren oinarritzko beharrei aurre egiteko ainako irabazirik ez izatea.

c) Gozamen-sariak jasotzeko hirurogeita bederatzita urte beteta izatea eta, eritasun edo ezintasunagatikako dirulaguntzak izanez gero, 16 urte baino gehiago izan eta edozein lan egiteko erabat ezinduta egotea.

2.- Horretarako agintepidea duen Erakundeak aitortutako minusbaliatuek, aldeztu aurretik, gutxienezko irabazirik bermatzeko dirulaguntzarako bideak eginda eduki behar dute, Minusbaliatuak Gizartean Sartzei buruzko 13/82 Legea oinarri harturik, eta otsailaren 1eko 383/84 Errege-Dekretuan ezarritako moduaren arauera.

Hirugarren atala.- Bere bakarreango onurabidetarako eta urtearen barruan Gizarte-Ongizaterako Dirubaltatikako dirulaguntzaren urteko zenbatekotik beherako irabazpideak dituenak joko dira irabazi-gabekotzat; alokairu-sarien, ordainketen, gozamen-sarien nahiz edozein pentzutari kontutan hartu gabe.

Ondasun mugikor edo mugiezinen ondoriozko irabaziaz egonez gero, dirulaguntzak kudeatzen dituen Arduralaritzak, eskatzaileak nahiz horren kide deneko familia-banakoak benetan jasotako irabaziaz zenbatuko ditu, zera kontutan izanik ere, bizitzaren oinarritzako beharrei aurre egiteko ainako baliabide dagoela adierazten dituzten ondasunen zenbatekoa, ontasun-maila eta saltzeko ahalbidea.

Eskatzailearen egoitza izan, eta horren jabe deneko etxebizitzari ezin zaio neurketarik egin.

2.- Eskatzailea familia-banako baten kide denean, norbanakoaren irabaziaz honetan finkatzen diren dirulaguntzen zenbatekotik beherakoak direnean, irabazirik gabekotzat joko dira.

Ondorio horietarako, honako hauek osatzen dute familia-banakoa:

a) Senar-emazteak, eta, egonez gero, heldu gabeko seme-alabak, gurasoen baimena izan eta horiek bizi ez direnak salbu, eta gurasoekin bizi eta lan egiteko gai ez direnak.

b) Ezkondu gabeko aita edo ama, eta atal honen 2.a) idaztiak aipatzen dituen betekizunak bildu eta horien zaingopean dauden seme-alabak.

c) Ezkontza baliogabetu, hautsi edo epailaritzako aldenketaren ondoriozkoetan, aurreko atalak aipatzen dituen baldintzak bete eta bere zaingopean dauden seme-alabak.

2) Epailaritzaren aldenketa aldarrikatuta ez dutenek, biztanlego-erroldean sartuta daudeneko Udalak emandako egiaztapen agiriaren bidez aldenketa eta familiaren kide-zenbatekoa frogatu ahal izango dute.

d) Tutoretzapean egon, gurasorde bakarra izan eta Euskal Herriko Autonomia Erkidegoko bateango egoitza duten neba-arrebak, beti ere egoera edo izatearen ondorioz beste familia-banako bat osatzen ez dutenean.

3.- Ezin da bi familia-banakoren kide izan.

Laugarren atala.- Dekretu honen ondorioetarako, elikaduraren erantzukizundunak, aurreko atalaren 2. idaztiaren adierazitako familia-banakoaren kideak izango dira bakar bakarrik.

Bosgarren atala.- Aldenduta edo elizaz aldentutakoaren familia-banakoa izanez gero, epailaritzaz aldarrikatutako aldeketetan nahiz egoitza duteneko udalak egiaztatu beharrekoetan ere, janariak jasotzeko eskubidearen edo horiek lortu behar diren ondorioz sortarazitako diru-sarrerak edo gastuak kontutan hartuko dira. Zenbateko hauek, eskatzailearen irabazien gainontzekoari gehitu edo kenduko zaizkio.

Zenbatekoa finkatzea, epailaritzazko adierazpenaren arauera egingo da eta, horren ezean, behar bezala egiaztatu behar izango dira.

Seigarren atala.- 1. Gaitasun ezak neurtzeko, dirulaguntzak kudeatzen dituen Arduralaritzak hautatu eta horretarako den Epaimahaia, Psikologo edo Psikiatra batek, Birgaitze eta Zaurietarako Mediku batek, Barne-gaitzetarako Mediku batek, Gizarte-Sorozlari batek eta Lanbidetan Aitu batek osatuko dute.

2. Epaimahaiak erabili beharreko erizpide eta taulak kidekoak izango dira hiru Lurralde Historikoetan, eta Foru-Erakundeek arautuko dituzte. Eritasun edo ezintasunagatikako dirulaguntzen eskatzaile guztiek mediku azterketak egin behar izango dituzte.

3. Epaimahaiaren erizpenak, sailkapena behin betikoa edo aldi zehatz baten barruan birraztergarria ote den adierazi behar izango du; birraztergarria izanez gero, aldia aipatu behar du.

Zazpigarren atala.- Dirulaguntzei bideak egiteko eta horiek ordaintzeko modua, Lurralde Historikoko Foru Erakundeek finkatutakoa edo finkatu dezaketena izango da, azaroaren 25eko 27/83 Legea oinarri harturik egiteratu beharreko agintepide edo ahalmenen arauera, Euskal Herriko Autonomia Erkidegoan, une bakoitzean, indarrean dauden arduralaritza-bideari buruzko arauari men eginez.

Zortzigarren atala.- 1. Dekretu honetan araututako dirulaguntzak, urteko hamabi ordaintetakoak izango dira, eta eskubidea erroldetegian sartzen den hilabetearen ondorengo hilabeteko lehenengo egunetik hasiz ordainduko dira. Ekainean eta abenduan, hilabete horiei dagokien zenbateko bereko osagarritzko sari bat ordainduko zaie eskubidedunei.

2. Eskubideduna hilez gero, horietarako eskubidea dueneko zenbateko guztiak ordaindutakotzat joko dira, heriotza gertatu deneko hilabete osoari dagokiona barne, eta bai osagarritzko ordainketari dagokion ehunekoak dagokiona ere.

Bederatzigarren atala.- Gizarte Zerbitzuei buruzko Legearen 4. atalaren eta Dekretu honen arauera emango diren gozamen-sariak, norberarentzakoak eta inori aldatu ezinezkoak dira, eta janaritarako emandakotzat jotzen dira, eta ezin izango zaie edonolako kenketa edo eusketarik egin, ez eta inolako beharraren berme gisa eman ere.

Aurrekoa dena dela, eskubidedunak bertan sartuta daudeneko Sorozpide-tza-lkaste-gietako ordezkariak, doakienek bertan egotearen ondorioz sortarazitako gastuak betetzeko gozamen-sari horiek ordaintzea eskatzen baldin badute, eskubidedunei gutxienez beren zenbatekoaren heren bat eta osagarritzko sariak ordaindu behar dizkiete.

Hamargarren atala.- Dirulaguntza horiek Arduralaritzak birraztergarriak izango dira, horretarako, dirulaguntzak eman ahal izateko eskatzen diren betekizunak eskubidedunek biltzen dituztenentz, aldian aldian egiaztatzeko bidezkoztat jotako bideak jarriko ditu. Nolanahi ere, dagozkion jakinerazpenak egingo dira, eta, hala nahi izanez gero, bai errekursoak ere, horretarako eskubidea baita.

Hamaikagarren atala.- Dirulaguntzarako eskaera onartu ez zaioneko eskatzaileak, bere egoera aldatu bada, berriz ere egin ahal izango du eskaera, beti ere derrigorrezko betekizunak behar bezala frogatzen dituenean.

GEHIGARRIZKO ERABAKIA

Gizarte-Ongizaterako Dirubaltzaren aldian-aldiango dirulaguntzen zenbatekoa, Eusko Jaurlaritzak zehaztuko du, Euskal Finantza-Kontseiluaren saloz, eta diru-aurrekontuen arauera.

LAN, OSASUNKETA ETA GIZARTE SEGURANTZA SAILA

Maiatzaren 26ko 129/1986 DEKRETUA, Euskal Herriko Autonomia
Erkidegoko Gizarte-Ongizaterako Dirubaltzatik emango diren adintsu eta
lanerako ezinduentzako bizisariak arautzen dituena.

AZKEN ERABAKIA

Lan, Osasunketa eta Gizarte Segurantzza Sailburuari Dekretu hau betearazteko bidezkotzat jotako Erabakiak hartzeko ahalbidea ematen zaio.

Gasteiz, 1986ko maiatzak 26.

Lehendakaria,

JOSE ANTONIO ARDANZA GARRO

Lan, Osasunketa Eta Gizarte Segurantzza Sailburua,
JON IMANOL AZUA MENDIA